

Къабэрдей-Балъкъэр
Республикэм щІэныгъэ
ІуэхумкІэ министерствэ



Къабарты-Малкъар
Республиканы бидим
берну эм иаму
министерствосу

Министерство образования и науки Кабардино-Балкарской Республики
Муниципальное казенное дошкольное образовательное учреждение
«Детский сад Нюр»

г.п. Кашхатау Черекского муниципального района КБР

361800 п. Кашхатау, ул. Кадырова 46

42256, 42284

Утверждаю:
И.о. заведующей
Т. О. Чеченова

**Конспект интегрированного НОД
для детей подготовительной группы
«Асият бла киштикчик» (Асият и кошка).**



Подготовила: воспитатель
Мизиева М.Т.

Асиятчыкъ бла киштикчик.

Дерсни мураты: Сабийлени ариу кылыкъгъа, адепли, намыслы болургъа юйретиу. Терсни, тюзню сюзерге. Жомакъны жигитлерини этген ишлерине, сабийле кеслери къалай къарагъанларын айта билирге.

Асият къошунчукъ бла къаймакъ алып киреди.

Асият: Къайры салайым мен бу къаймакъны, аны киштик тапмазча? Ма бери къанганы кыйырына салайым. Юсюн жабыучукъ бла жабайым, аны юсюне къагъытчыкъ салайым, а бек башындан а ташчыкъ салайым. Ким биледи, киштикчик бюгюн къаймакъ ашаргъа суймез эсе уа? Тюнене аны ючюн анга «таякъ» тийгенди.

Къызчыкъ жумуш этерге тышына кетеди. Юйге киштик киреди.

Киштик: Мен айтайым ётюрюксюз къаймакъны бек сюеме, къаймакъчыкъ-къаймакъчыкъ табарма мен сени, къаймакъчыкъ-къаймакъчыкъ, ашарма мен сени.

Бурунчугъум бла ант этеме, мында къаймакъ барды! Мени бурунум мени алдатмаучуду.

(Тёгерегине къарайды къанга къатына барады, къошунчукъну кёреди.)

Киштик: Къаймакъ мында болур, къарайыкъ. Къаймакъчыкъ - къаймакъчыкъ табарма мен сени. (ташны кетереди)

Къаймакъчыкъ-къаймакъчыкъ табарма мен сени. (къагъытны кетереди.) Къаймакъчыкъ-къаймакъчыкъ жаларма мен сени. (жабыуну алады.)

Ма санга-мени бурунум мени алдатмагъанды!

(Бир жанына кетеди.)

Киштик: Угъай, угъай мен ары къарайым. Алыргъа жарамайды сормагъанлай.

Тыншчыкъ къаймакъ таба къарайды.

Охо да не боллукъду къарасам а. Аны ючюн ол аз боллукъ туююлдо.

Къаймакъ а аз татыулу болмаз?

(Тегерегине айланады.)

Ким биледи, кюшлю болгъан эсе уа?

Бир кере жалап керейм.(Жалайды.) Да , бир кере жалагъанлыкъгъа муну татыуун къайдан билейм. Энтга да бирчик жалап кёрейм. Къыйынды былай айтып кьояргъа.

(Жалайды.)

Къара манга, мен не эте турама? Алай кёл да ашамагъан эдим, къарап къарагъынчы жартысы уа жокъ! Алай жарамайды.

(Бир жанына кетеди.)

(Келеди къаймакъны къатына къарайды.)

Бекми билинеди? Хау, билликдиле. Манга уа нек сунадыла? Мен а не?

Ким биледи аны итчик ашагъан эсе уа?

Мен бир зат да кёрмегенме! Къаймакъны ит ашагъанды! Юсюн жабайым.

Алгъа жабыучукъ бла, юсюне уа къагъытчыкъ салама, бек башына уа ташчыкъ! Мен зат да билмейме. Мен жукълапма. (Жатады.)

Къызчыкъ юйге киреди.

Асият: Кишиучукъ, жукълапмыса? Сен къайдан чыкыгъанса?

Киштик: Келе келе келдим да, келдим!

Асият:Къошунчукъну да тапдынг?

Киштик: Не къошун?

Асият: Ма бу.(Къошунчукъну къатына барады.

Ташны,къагъытны,жабыучыкъну кетереди.)

Сен а бир зат да кёрмегенсе, къаймакъ а жокъ?

Киштик: Билмейме, билмейме! Кёрмегенме. Къарагъан да этмегенме.

Ким биледи анда зат болмаз эди.

Асият:Къалай жокъ эди ? Мен кесим салгъанма къаймакъны къангагъа! Сен ашагъанса!

Киштик: (Ачыуланып.) Мен ? Эсимдеда жокъду ! Тохта, тохта! Итчик мындан чыгып бара эди ! Ол ашагъанды !

Асият : Жарлы Бойнакъ !

Киштик : Хау, жарлыды Бойнакъ ! Бусагъат «таякъ» анга тиеди.

Асият: Ол а не эди ! Къаймакъ алай бош къаймакъ туююл эди. Анда ашагъан :

Алгъа сангырау боллукъду , ызы бла сокъур , бек ахырында уа
къуйругъу юзюлюп,
тюшюп кетерикди.

Киштик: Зат эштмей ,бир зат кермей , къуйрукъсуз ?

Асият: Хау , хау ! Жарлы Бойнакъ!

Киштик: (къоркъуп) Ким ,итми?

Асият:Хау! Итчик ашагъанды да къаймакъны. Сен а не къоркъаса?

Киштик: Хау... Угъай ...мен тиймегенме.(Тыншчыкъ.)Сокъур
,сангырау...

(Асиятха айланып.) Асият,Бойнакъгъа болушургъа керекди!

Устаз:Сабийле, келигиз солуюкъ.

Киштикчик олтурады
Къулакъларын тепдире .
(Сабийле къолларын башларына салып ,бармакъларын бирге
жыйып,бармакъларын тепдиредиле.)
Ма былай,ма былай
Къулакъларын тепдиреди.
Киштик сууукъ болады ,
Бурунчугъун жабады.
(Къоллары бла кезиу – кезиу бурунчукъларын ышыйдыла)
Кишиу, кишиу кел бери
Секирейик тири, тири!
(Ерге ,ерге секиредиле.)

Устаз:Сабийле, келигиз дерсибизни андан ары бардырайыкъ.

Асият: Хау, болушургъа керекди Бойнакъгъа.

Киштик:Не зат бла? Айт теркирек !

Асият: Санга ол неге керекди? Сен ашамагъанса да?

Киштик: Угъай...Хау...Мен Бойнакъгъа болушургъа сюеме .

Асият: Угъай! Бойнакъ кеси бери келип ,этген хылисин кеси айтмаса ,
анга бир зат бла да болушаллыкъ туюлбюз.

Киштик: Келмесе уа !

Асият:Еледи!

Киштик: Бойнакъ ашамагъан эсе уа?

Асият:Сора Бойнакъгъа затда боллукъ туююлдю.Алай къаймакъны ашагъанга уа...

Киштик: Не дейсе ? Эштмейме.

Асият:Охо, Бойнакъ къаймакъны ашасы , сен а сангырау бола башлагъанса.

Къысчы кезлеринги.

(Киштик кезлерин къысады. Асият бугъады. Киштик кезлерин ачады.)

Киштик: Асият ,къайдаса?(Ары – бери чабады). Не этейим?
Эшитмейме, кермейме! Бу сагъат къуйругъум юзюлюп тюшерикди.
Не этейм сабийле?

Сабийле: Кертисин айт!!!

Киштик: Асият,къайдаса? Къатыма келчи.(А сият киштикни къатына келеди).

Киштик: Мен ашагъанма къаймакъны. Бойнакъ ашамагъанды. Кеч мени.

Асият: Алаймыды? Кертисин айтханынг ючюн аперим санга. Алай Бойнакъ этмеген затны айтханынг ючюн а ...

Он кере былай айт: Кертисин айтама

Къаймакъны мен ашагъанма.

Мен-етюрюкчюме!

Аман киштикме!

Алай он кере айтсанг санга зат да боллукъ туююлдю.

Киштик уяла-уяла сезлени къайтарады.

Асият: Былай уялмазсыз сиз, етюрюк айтмасагъыз!
Сормай алыргъа жарамайды башха адамны аберисин.

Сабийлеге ангылатыргъа керекли сезле: Сангырау,
сокъур,къошунчукъ.

Сабийлеге соруула:

- 1. Жомакъны аты къалайды?**
- 2. Киштик къанга юсюнде нени эследи?**
- 3. Къаймакъны киштикми , огъесе итми ашагъан эди?**
- 4. Къошунчукъну юсю къалай жабылып эди?**
- 5. Сормай киштикча хыли этерге жараймы эди?**
- 6. Киштик нек къоркъгъан эди?**
- 7. Асият къаймакъны ашагъанга не боллукъду деген эди?**
- 8. Киштик нек уялды?**
- 9. Къаллай сезле айтды киштик?**
- 10. Сиз а кесигизни ариу жүрюте билемисиз?**